

屈巡按使巡視兩浙文告

題



393

屈巡按使巡視兩浙文告

蔡元洪題





浙 江 巡 按 使 屈 映 光 肖 像

巡視兩浙各屬攝影目錄

嘉興官紳撮影

海鹽官紳撮影

嘉興百歲耆民聞如春

嘉興男女校生聚集訓勉攝影（一）

嘉興男女校生聚集訓勉攝影（二）

太湖石公山

太湖水警巡艦會操攝影

吳興海島學校

餘杭何家陡門

餘杭迴龍寺種樹攝影

錢武肅王墓

西天目山遠景

天目山種樹攝影

太子庵

天目山察看水源攝影

於潛習藝所

於潛紹路鄉古檀

蘆嶺關

昌化文廟前種樹攝影

五雲山施肩吾先生洗硯池

海甯柴坦盤頭

塔山海塘（一）

塔山海塘（二）

小尖山海塘形勢

海甯硤石鎮官紳會叙攝影

臨平山龍洞

臨平山造林攝影

萬松嶺造林攝影

玉皇山七星缸

將臺山佛像

七里灘東西二臺

建德男女校教職員生會叙攝影

建德嚴祠種樹攝影

淳安獅子山煤礦

茶園種樹攝影

蘭谿大雲山造林攝影

東華山造林攝影

府學蕩種樹攝影

文廟楷木像

神農廟西園

金華農事試驗場

武義縣北嶺種樹攝影

官清嶺一門忠孝碑亭

東陽縣文廟前種樹攝影

蘭亭遠景

蘭亭

大禹陵

窆石

曹娥江形勢

天一閣

鄞縣官紳會叙攝影

鄞縣舊台屬同鄉攝影

鎮海習藝所

普陀山前寺

薛密會晤寧海官紳攝影

石浦會晤象南兩邑官紳攝影

印山會合海門黃巖官紳攝影

臨海舊台州府署龍湫古

臨天仙三邑官紳會晤攝影

臨海習藝所

永嘉謝靈運守治遺蹟

青田習藝所

青田縣校會叙舊處屬官紳攝影

屈巡按使出巡全浙文稿卷五

日記類

民國四年三月二十五日

今日爲出巡之第一日辰刻由廨赴署句當文件畢嚮午由署啓行赴城站偕行爲祕書劉君焜陸君懋勳相率登車移時抵笕橋以次過臨平長安斜橋峽石王店凡沿途車站均有軍警站立留意察看精神形式尙能整肅惟長安鎮警察頗覺萎靡此地係海寧縣管轄應飭該縣知事加意訓練行抵峽石鎮接見該處商會總理徐光浦據面呈稟牘請開濬泖河等處此事與浙西全局水利關係甚鉅余早注意及此迭經派員詳查分別勘估今閱稟陳各節殊有見地當允俟回署後發交水利委員會核議四點二十分抵嘉興下車男女聚觀傾巷塞途頗見繁庶氣象當與嘉湖鎮守使及地方印委各員紳商領袖一一

晤敘後逕赴平民習藝所考察該所辦法尙好惟規模狹隘出品亦不甚佳當諭令該所長實心辦理隨至省立第二中學校考查校舍稽察課程辦理尙爲合法因爲時已晚教職學生均將休息匆匆訓勉卽返行寓寓係租借民房應用各項悉由自備地方官吏能謹遵規約不事鋪張隨從人等不受地方絲毫供億至爲可喜晚膳後披閱本日所收稟詞分別批發夜九時嘉興縣知事袁慶萱來見瀝陳地方利弊語多切實可行因分別飭勉加意整理查是處舊爲府治原設嘉興秀水兩縣宣統末葉裁併歸府直轄現爲嘉興縣地面頗廣民物素豐其出產以絲繭爲大宗豆棉次之綢業又次之惟繅織不盡得法加以歐戰起後金融阻滯絲綢兩業大有一落千丈之勢宜亟籌善策極力維持邑有范蠡湖鴛鴦湖煙雨樓杉青閘落帆亭等處皆爲名勝春秋佳日士女如雲而烟雨樓尤著名前清高宗曾經臨幸兵燹後久失修治聞已大半荒蕪此行

以簿書鞅掌未能遍歷頗爲憾事當囑該知事酌量修理以保存古蹟筮屐之約期之他日而已

三月二十六日

晨起赴鎮守使署報謁卽偕劉秘書乘坐巡艦巡視嘉善道經嘉興縣屬之塘匯鎮舍舟登陸與該鎮紳耆握手阡陌宣示政府勤求民瘼之意並勉以先知先覺之義謂更化善俗地方父老均與有責就近水陸巡警咸集於此當指示以巡邏偵防各種計畫演說約一時許回艦前進午後一時抵嘉善縣城臨視平民習藝所該所規模工作均不完備出品僅毛巾布疋馬帶等物當諭該所長就本地原料加意改良以期發展二時許臨視縣立第三高等小校該校設於城區學宮學生九十餘人分年級爲三成立僅四學期尙未辦過畢業考察課程規則頗爲整齊校長率領全體教職員學生等齊集講堂余爲演說勤苦

耐勞四字之意義并以敦品力學勿染浮華相敦勉事畢就孫紳住宅少憩接見文武僚屬及紳商學各界人士宣布出巡意旨詳詢農田水利及自治商業以及地方利弊應興應革囑各抒意見剴切敷陳錢紳紹楨面遞請求減賦說帖一扣詞甚懇摯查浙西田賦之重甲於全國而嘉屬尤重於杭湖舊嘉府六邑又以嘉善爲最重前據該縣士紳稟請核減業經分別據情上達徒以財政困難未能照辦此次復親受告訴流涕陳詞空言慰藉彌用歉然總須相機籌度情形相機設法以蘇民困嘉善出產除米繭外向以窰貨著名磚瓦之運銷滬上者爲數甚鉅惟近來各窰戶貪圖小利刻減工料以致磚坯尺寸皆縮小不適用生業日漸凌夷稅源亦受影響且掘用坭土只在一處愈浚愈深以致一縣地勢南北顯分高下一方患旱一方苦水因工藝而害及農田尤屬非計當諭該公所經董竭力開導宜整頓並囑官紳設法疏濬河流以利交通一面

諭令客戶分別量移俾免水旱之患又聞該縣有同姓爲婚坐產招夫等敝俗積習相沿恬不知怪非由地方官紳隨時禁勸實不足以維風化而挽薄俗至保衛團雖已成立七區類皆敷衍名目惟警察成績尙好亦并囑縣分別誥勉申刻出城仍回原艦將各縣陳送地方計畫書親加批核魚更二躍始抵禾寓

三月二十七日

今日乘兵艦巡視平湖縣遙望原田凝綠畦萊陳黃農夫牧童怡然自得頗動歸田之感舟過嘉興縣屬之新豐鎮因召集就地父老分別慰勞事畢回艦鼓輪前進午後一時抵平湖縣城知事宗彭年統捐局長沈灝與地方各界領袖相率來謁晤談後卽臨視城立淑英女子兩等小學校該校於庚戌四月成立辦過畢業五次現計高等三班初等四班學生共一百五十四人考察課程尙稱完善校規亦頗整齊時講堂操場均在上課因就集員生而告以婦德婦功

之大要旋偕宗知事考察平民習藝所該所分染織籐竹木工三科所出機織花布編製籐器尙合社會需用惜出品無多規模狹隘且建築開辦等費已近三千金自民國二年成立至今常年開支又達八九千元所費不貲而成績僅止如此未免虛糜當面飭鄒所長極力整頓設法推廣時城廂各校教職員暨學生等已會集於縣立高等小學校操場當去分別訓勉畢至縣教育會延見各界紳耆宣布代巡意旨討論地方利弊約二小時出城校閱水陸警察及保衛團七時鼓輪回禾查平湖卽東江舊址爲禹貢三江之一所有於潛臨安餘杭孝豐安吉武康等縣與夫吳興以下所受太湖之水大勢皆趨於平湖經洶河以達黃浦自唐開元中築捍海塘東江故道遂成陸地今勘該縣東北一帶河港網布按其舊蹟寬廣至二三十丈不等而出洶各口大半阻塞內地河道亦漸淤滯澇不得洩旱無所灌以故浙西田畝永無全熟之年循此不圖爲害

將無底止前經分派測量隊逐段勘估詳細勘測茲復據就地紳民紛紛籲請
亟應妥速計畫專案呈請修治俾免後患

三月二十八日

早晨八時嘉興關副稅務司英人倪額森偕伊子倪腦生帶同繙繹來厲晉謁
開誠款接情意甚歡去後余卽出城乘巡艦赴桐鄉午後一時抵縣城知事余
大鈞暨文武僚屬均來見旋偕赴平民習藝所察看該所規模極小出品亦無
足觀惟以本地所產煙葉仿製雪茄煙捲色味並佳頗足以抵制舶來品甚爲
可喜惜基本薄弱未能擴張當將該所長黃安瀾面遞摺略批交縣知事寬籌
經費提倡銷路並示以裝匣包裹之法出習藝所過商會就縣公署少憩延見
紳商各界詳詢地方利病並絲繭煙葉柏油等出產情形皆云濮院絲綢向爲
桐鄉著名產品銷售北地每年收入且逾百萬惟近來銷數遠不如前其他商
業亦有江河日下之勢等語當勉以工商事業目光宜遠團結宜堅勿貪目前

小利勿徇一已私圖羣策羣力共謀進行庶免爲外商所排擠濮院絲業衰落應分設機織傳習所以資改良而廣銷售前經委員許炳堃調查報告已定有辦法卽經面囑該知事刻日照行是日星期各校放假未往考察因集各教職員與就地紳商一同晤叙分別誥勉謂教職員有引誘青年之責一宜束身自愛期爲學子之表率一宜慎重教授養成有用之人才更宜整肅校規毋苛毋縱俾得各因其資質循序漸進至於地方士紳責任尤重蓋誘掖社會監督官廳皆惟紳士是賴云云談約二小時撮影而散出城校閱警察及保衛團大致當有可觀惟保衛團除城區青鑪二處外餘尙未經成立當飭一律舉辦該縣輪運本可直達縣城因河道年久失修交通農田兩受其害以致城廂人烟稀少市廛零落荒涼景象觸目皆是浙西水利正在規畫進行應并及之夜闌回禾抵寓已鐘鳴九下矣

三月二十九日